



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

2020-yil «20» avgust

08-147-son

### **Тошкент давлат юридик университети ва университет қошидаги академик лицейда ёзги ва қишки мактаблар, пуллик асосда тайёрлов ва бошқа курсларини ташкил этиш ҳақида**

Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармони ҳамда Ўзбекистон Республикаси адлия вазирининг 2020 йил 6 майдаги “Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармони ижросини таъминлаш ҳақида”ги 82–ум-сон буйруғида белгиланган вазифалар ижросини таъминлаш мақсадида

### **БУЮРАМАН:**

#### **1. Қуйидагилар:**

Тошкент давлат юридик университетида ёзги ва қишки мактаблар, пуллик асосда тайёрлов ва бошқа курсларини ташкил этиш тартиби тўғрисида низом 1-иловага мувофиқ;

Тошкент давлат юридик университети қошидаги академик лицейда ёзги ва қишки мактаблар, пуллик асосда тайёрлов ва бошқа курсларини ташкил этиш тартиби тўғрисида низом 2-иловага мувофиқ тасдиқлансин.

2. Проректорлар университет ва академик лицейда ёзги ва қишки мактаблар (кейинги ўринларда – мактаблар) ва пуллик асосда тайёрлов ва бошқа курслар (кейинги ўринларда – ўқув курслар)ни ташкил этиш юзасидан кўмаклашсин.

3. Факультет деканлари, халқаро ҳамкорлик бошқармаси (А.Якубов):  
университетда мактаблар ва ўқув курсларини ташкил этиш чораларини кўрсин;

Узлуксиз таълим бошқармаси (О.Солиев) ва университет қошидаги академик лицейга (Ш.Бобоқулов) университет қошидаги академик лицейда мактаблар ва ўқув курсларини ташкил этишга кўмаклашсин;

университет ва академик лицейда мактаблар ва ўқув курсларида ўқиш мақсадида Ўзбекистон Республикасига чет эл фуқаролари ва фуқаролиги бўлмаган шахслар ташриф буюриши билан боғлиқ ташкилий чора-тадбирларни амалга оширсин.

4. Юридик бюро (А.Сафаров) мактаблар ва ўқув курсларида ўқиш истагини билдирган Ўзбекистон Республикаси фуқаролари, чет эл фуқаролари ва фуқаролиги бўлмаган шахслар билан фуқаролик-ҳуқуқий шартномаларини тузиш билан боғлиқ ҳаракатларни амалга оширсин.

5. Эксплуатация ва тамирлаш бошқармаси (И.Бозоров) университетда мактаблар ва ўқув курсларини ташкил этиш учун зарур бўлган моддий-техник воситалар билан таъминланишини ташкил этсин.

6. Бухгалтерия (А.Иминов) университетда мактаблар ва ўқув курсларини ташкил этиш билан боғлиқ харажатлар тўланишини таъминласин.

7. Жамоатчилик ва ОАВ билан ишлаш бўлими (Н.Умарова), Узлуксиз таълим бошқармаси (О.Солиев) ва университет қошидаги академик лицей (Ш.Бобоқулов) университет ва академик лицейда ташкил этиладиган мактаблар ва ўқув курслари ҳақидаги маълумотни кенг жамоатчилик эътиборига етказиш ишларини амалга оширсин.

8. Мазкур буйруқнинг ижросини назорат қилиш проректор Д.Умаров зимасига юклансин.

**Ректор**

**Р.Хакимов**



**Лойиҳа киритилди:**

Халқаро ҳамкорлик  
бошқармаси бошлиғи

А.Якубов

**Келишилди:**

Проректор



І.Рустамбеков

Проректор

І.Умаров

Проректор

Н.Салаев

Проректор

А.Ҳошимхонов

Проректор

Б.Бобожонов

Маънавият ва маърифат маркази  
директори

Ш.Пўлотов

Бош бухгалтер

А.Иминов

Эксплуатация бўлими бошлиғи

И.Бозоров

Юрисконсульт

А.Сафаров

**Тошкент давлат юридик университетида ёзги ва қишки мактаблар,  
пуллик асосда тайёрлов ва бошқа курсларини  
ташкил этиш тартиби тўғрисида  
НИЗОМ**

**1-боб. Умумий қоидалар**

1. Мазкур Низом Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонида мувофиқ Тошкент давлат юридик университети (кейинги ўринларда – университет)да ёзги ва қишки мактабларни (кейинги ўринларда – мактаблар), шунингдек пуллик асосда тайёрлов ва бошқа курсларини (кейинги ўринларда – ўқув курслар) ташкил этиш ва уларнинг фаолият юритиш тартибини белгилайди.

2. Мактаблар ва ўқув курслари университетининг пуллик таълим хизматларини кўрсатиш турларидан бири бўлиб, унга қўшимча таълим олиш ниятида бўлган жисмоний шахслар ва юридик шахсларнинг вакиллари жалб қилинади.

3. Университет мактаблар бир йилда, қоида тариқасида, икки марта, июль–август (ёзги мактаб) ва январь–февраль (қишки мактаб) ойларида ташкил этилади.

4. Мактаблар ва ўқув курсларини ташкил этиш билан боғлиқ харажатлар университетнинг бюджетдан ташқари (тўлов-контракт, шу жумладан табақалаштирилган тўлов-контракт) маблағлари ҳисобидан ички имкониятлардан келиб чиқиб ҳамда хорижий ва халқаро ҳамкор ташкилотлар кўмаги, шунингдек мактаблар иштирокчилари томонидан тўланадиган маблағлар ҳисобидан амалга оширилади.

**2-боб. Мактаблар фаолиятини ташкил этиш**

5. Мактаблар фаолиятини ташкил этиш бўйича университет ректори буйруғи асосида ишчи гуруҳ тузилади.

6. Ишчи гуруҳ мактабларни ташкил этиш учун Ўзбекистондаги шу соҳада фаолият юритадиган ташкилотлар билан ҳамкорликда иш олиб бориши мумкин.

7. Барча иштирокчиларга мактабларда иштирок этганликлари учун сертификатлар тақдим этилади.

8. Мактаблар иштирокчилари учун Ўзбекистон бўйлаб туристик саёҳатлар, соғломлаштириш ва кўнгилочар дастурлар, музейлар, театрлар, галереялар ва истироҳат боғлари ҳамда дам олиш табиат ҳудудларига ташрифлар ҳам ташкил этилиши мумкин.

9. Мактабларни ташкил этишнинг давомийлиги ва уларда иштирок этиш учун тўлов миқдори университет ректори томонидан белгиланади.

### **3-боб. Ўқув курсларини ташкил этиш**

10. Ўқув курслари университет ректори буйруғи билан ташкил этилади.

11. Ўқув курслари, қоида тариқасида, қуйидаги йўналишларда ташкил этилади:

а) “Олий ўқув юртига киришга тайёргарлик” – Ўзбекистон Республикаси фуқаролари, хорижий фуқаролар ва фуқаролиги бўлмаган шахсларни университетнинг “юриспруденция” бакалавриат таълим йўналишларига ўқишга қабул қилишга тайёрлаш;

б) “Магистратурага киришга тайёргарлик” – Ўзбекистон Республикаси фуқаролари, хорижий фуқаролар ва фуқаролиги бўлмаган шахсларни ТДЮУнинг магистратура мутахассисликларига тайёрлаш;

в) “Тил ўргатиш курслари” – хорижий фуқаролар ва фуқаролиги бўлмаган шахсларнинг ўзбек, рус ва инглиз тилларида касбий таълим дастурларини пухта эгаллашлари учун тил курсларида тайёрлаш;

г) “Компьютер ва молиявий саводхонлик курслари” – ушбу соҳада кўникмаси бўлмаган шахсларнинг махсус курсларда ўқитиш.

12. Юридик ва жисмоний шахсларнинг буюртмаларига мувофиқ бошқа йўналишларда ҳам ўқув курслари ташкил этилиши мумкин.

13. Ўқув курсларида ўқитиш қиймати ва курснинг давомийлиги ТДЮУ ректори томонидан белгиланади.

14. Белгиланган намунадаги шартнома бланкалари тингловчилар ўқув курсларига тавсия этилган кундан бошлаб берилади ҳамда юридик шахслар учун 3 нусхада ва жисмоний шахслар учун 2 нусхада расмийлаштирилади.

Тингловчилар учун тўловлар шартнома шартларида кўрсатилган муддатларда амалга оширилади.

15. Тингловчилар ўқув курсларига қабул қилиш юридик ҳамда жисмоний шахслар томонидан шартномада белгиланган тўлов миқдорини тўлангандан сўнг университет ректори буйруғи билан расмийлаштирилади.

16. Ўқув курсларни тамомлаганларга сертификатлар тақдим этилади.

#### **4-боб.Ишчи гуруҳ фаолиятини ташкил этиш**

17. Ишчи гуруҳ томонидан ҳамкор ташкилотлар, шу жумладан хорижий ҳамкор олий таълим муассасалари, шунингдек донорларни жалб этиш мақсадида улр билан музокаралар ўтказиб хорижий талабалар таклиф этилади.

18. Мактаблар ва ўқув курслари ҳақида кенг жамоатчиликка маълумотларни етказиш мақсадида университет расмий ваб-сайти ва ижтимоий тармоқлари, шунингдек ОАВ ва бошқа ижтимоий тармоқларда эълонлар берилади.

#### **5-боб.Якуний қоидалар**

19. Мактаблар ва ўқув курсларида дарс машғулотлари ўзбек, рус ва инглиз тилларида олиб борилади.

20. Мактабларда иштирок этиш истагида бўлган хорижий фуқаролар Ўзбекистон Республикасига кириш-чиқиш ва виза ҳаражатларини ўз маблағлари ҳисобидан қоплайди.

21. Мактаблар ва ўқув курслари тингловчилари ўз хоҳишларига кўра университет Талабалар турар жойида яшашлари мумкин. Университет Талабалар турар жойида яшаш билан боғлиқ харажатлар ҳар йили амалдаги бозор конъюнктурасидан келиб чиққан ҳолда университет Кенгаши томонидан белгиланади ва бу харажатлар тингловчининг ўз маблағлари ҳисобидан қопланади.

Бунда, мактаблар ва ўқув курсларининг хорижий фуқаролар бўлган тингловчилари университет Кенгаши қарори билан Талабалар турар жойида яшаши билан боғлиқ харажатлардан озод этилиши мумкин.

22. Тошкент давлат юридик университетининг талабалари, университет қошидаги академик лицей ва юридик техникумлар ўқувчилари мактабларда волонтерлик фаолиятини амалга оширса мактабларда иштирок этиш билан боғлиқ тўловлардан озод этилади.

23. Мактаблар фаолиятини ташкил этиш давомида ташкилотчи ва иштирокчи ўртасида келиб чиққан низолар тингловчилар манфаатларининг устунлиги принципи асосида ҳал этилади.

**Тошкент давлат юридик университети қошидаги академик лицейда  
ёзги ва қишки мактаблар, пуллик асосда тайёрлов ва бошқа курсларини  
ташкил этиш тартиби тўғрисида  
НИЗОМ**

**1-боб. Умумий қоидалар**

1. Мазкур Низом Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармониға мувофиқ Тошкент давлат юридик университети қошидаги академик лицей (кейинги ўринларда – академик лицей)да ёзги ва қишки мактабларни (кейинги ўринларда – мактаблар), шунингдек пуллик асосда тайёрлов ва бошқа курсларини (кейинги ўринларда – ўқув курслар) ташкил этиш ва уларнинг фаолият юритиш тартибини белгилайди.

2. Мактаблар ва ўқув курслари академик лицейнинг пуллик таълим хизматларини кўрсатиш турларидан бири бўлиб, унга қўшимча таълим олиш ниятида бўлган жисмоний шахслар ва юридик шахсларнинг вакиллари жалб қилинади.

3. Академик лицейда мактаблар бир йилда, қоида тариқасида, икки марта, июль–август (ёзги мактаб) ва январь–февраль (қишки мактаб) ойларида ташкил этилади.

4. Мактаблар ва ўқув курсларини ташкил этиш билан боғлиқ харажатлар академик лицейнинг бюджетдан ташқари (тўлов-контракт, шу жумладан табақалаштирилган тўлов-контракт) маблағлари ҳисобидан ички имкониятлардан келиб чиқиб ҳамда хорижий ва халқаро ҳамкор ташкилотлар кўмаги, шунингдек мактаблар иштирокчилари томонидан тўланадиган маблағлар ҳисобидан амалга оширилади.

Мактаблар ва ўқув курсларини ташкил этишда Тошкент давлат юридик университети ректорининг буйруғи билан Тошкент давлат юридик университетининг бюджетдан ташқари маблағлари ҳам жалб этилиши мумкин.



## **2-боб. Мактаблар фаолиятини ташкил этиш**

5. Мактаблар фаолиятини ташкил этиш бўйича академик лицей директори буйруғи асосида ишчи гуруҳ тузилади.

6. Ишчи гуруҳ мактабларни ташкил этиш учун Ўзбекистондаги шу соҳада фаолият юритадиган ташкилотлар билан ҳамкорликда иш олиб бориши мумкин.

7. Барча иштирокчиларга мактабларда иштирок этганликлари учун сертификатлар тақдим этилади.

8. Мактаблар иштирокчилари учун Ўзбекистон бўйлаб туристик саёҳатлар, соғломлаштириш ва кўнгилочар дастурлар, музейлар, театрлар, галереялар ва истироҳат боғлари ҳамда дам олиш табиат ҳудудларига ташрифлар ҳам ташкил этилиши мумкин.

9. Мактабларни ташкил этишнинг давомийлиги ва уларда иштирок этиш учун тўлов миқдори академик лицей томонидан Тошкент давлат юридик университети билан келишилган ҳолда белгиланади.

## **3-боб. Ўқув курсларини ташкил этиш**

10. Ўқув курслари академик лицей директори буйруғи билан ташкил этилади.

11. Ўқув курслари, қоида тариқасида, қуйидаги йўналишларда ташкил этилади:

а) “академик лицейга киришга тайёргарлик” – Ўзбекистон Республикаси фуқаролари, хорижий фуқаролар ва фуқаролиги бўлмаган шахсларни академик лицейга ўқишга қабул қилишга тайёрлаш;

б) “Олий ўқув юртига киришга тайёргарлик” – Ўзбекистон Республикаси фуқаролари, хорижий фуқаролар ва фуқаролиги бўлмаган шахсларни университетнинг “юриспруденция” бакалавриат таълим йўналишларига ўқишга қабул қилишга тайёрлаш;

в) “Тил ўргатиш курслари” – хорижий фуқаролар ва фуқаролиги бўлмаган шахсларнинг ўзбек, рус ва инглиз тилларида касбий таълим дастурларини пухта эгаллашлари учун тил курсларида тайёрлаш;

г) “Компьютер ва молиявий саводхонлик курслари” – ушбу соҳада кўникмаси бўлмаган шахсларнинг махсус курсларда ўқитиш.

12. Юридик ва жисмоний шахсларнинг буюртмаларига мувофиқ бошқа йўналишларда ҳам ўқув курслари ташкил этилиши мумкин.

13. Ўқув курсларида ўқитиш қиймати ва курснинг давомийлиги академик лицей томонидан Тошкент давлат юридик университети билан келишилган ҳолда белгиланади.

14. Белгиланган намунадаги шартнома бланкалари тингловчилар ўқув курсларига тавсия этилган кундан бошлаб берилади ҳамда юридик шахслар учун 3 нусхада ва жисмоний шахслар учун 2 нусхада расмийлаштирилади.

Тингловчилар учун тўловлар шартнома шартларида кўрсатилган муддатларда амалга оширилади.

15. Тингловчиларни ўқув курсларига қабул қилиш юридик ҳамда жисмоний шахслар томонидан шартномада белгиланган тўлов миқдорини тўлангандан сўнг академик лицей директори буйруғи билан расмийлаштирилади.

16. Ўқув курсларни тамомлаганларга сертификатлар тақдим этилади.

#### **4-боб.Ишчи гуруҳ фаолиятини ташкил этиш**

17. Ишчи гуруҳ томонидан ҳамкор ташкилотлар, шу жумладан хорижий ҳамкор таълим муассасалари, шунингдек донорларни жалб этиш мақсадида улар билан музокаралар ўтказиб хорижий ўқувчилар таклиф этилади.

18. Мактаблар ва ўқув курслари ҳақида кенг жамоатчиликка маълумотларни етказиш мақсадида академик лицейнинг расмий вэб-сайти ва ижтимоий тармоқлари, шунингдек ОАВ ва бошқа ижтимоий тармоқларда эълонлар берилади.

#### **5-боб.Якуний қоидалар**

19. Мактаблар ва ўқув курсларида дарс машғулотлари ўзбек, рус ва инглиз тилларида олиб борилади.

20. Мактабларда иштирок этиш истагида бўлган хорижий фуқаролар Ўзбекистон Республикасига кириш-чиқиш ва виза ҳаражатларини ўз маблағлари ҳисобидан қоплайди.

21. Мактаблар ва ўқув курслари тингловчилари ўз хоҳишларига кўра академик лицей Ўқувчилар турар жойида яшашлари мумкин. Академик лицей Ўқувчилар турар жойида яшаш билан боғлиқ харажатлар ҳар йили амалдаги бозор конъюнктурасидан келиб чиққан ҳолда академик лицей

Кенгаши томонидан белгиланади ва бу харажатлар тингловчининг ўз маблағлари ҳисобидан қопланади.

Бунда, мактаблар ва ўқув курсларининг хорижий фуқаролар бўлган тингловчилари Академик лицей Кенгаши қарори билан Ўқувчилар турар жойида яшаши билан боғлиқ харажатлардан озод этилиши мумкин.

22. Тошкент давлат юридик университетининг талабалари, академик лицей ўқувчилари мактабларда волонтерлик фаолиятини амалга оширса мактабларда иштирок этиш билан боғлиқ тўловлардан озод этилади.

23. Мактаблар фаолиятини ташкил этиш давомида ташкилотчи ва иштирокчи ўртасида келиб чиққан низолар тингловчилар манфаатларининг устунлиги принципи асосида ҳал этилади.